

Syeikh Dr. Mahmoud MrGlani



PERSATUAN AS-SYAZILIYYAH

(PPM 016-16-3012013)

Persatuan Zawiyah As-Syaziliyyah Internasional - Malaysia

Hakcipta karya asal © Syekh Dr Mahmoud MrGlani

Cetakan Pertama : ZulHijjah 1436H - September 2015M

Hakcipta terpelihara tidak dibenarkan mengulang siar mana-mana bahagian artikel, ilustrasi dan isi kandungan buku dalam apa jua bentuk dan dengan apa cara sekalipun, sama ada secara elektronik, fotokopi, mekanik, rakaman atau cara lain sebelum mendapat izin bertulis

Persatuan Zawiyah As-Syaziliyyah Internasional - Malaysia

Diterbitkan oleh

Persatuan Zawiyah As-Syaziliyyah Internasional - Malaysia

BAIT SYDNA SYEIKH ABDUN NASIR AL-HASANI

No. 2 Jalan Gunung Nuang U11/9A, Bukit Bandaraya SS U11,

40170 Shah Alam, Selangor Darul Ehsan,

Malaysia.

Penerbit Eksekutif

Dr Mahmoud MrGlani

Penulis

Dr Mahmoud MrGlani

Penterjemah

Rahmat Muhamad

Reka Bentuk kulit dan Kandungan

Abdul Jalil Shukor

Diedar Oleh

Persatuan Zawiyah As-Syaziliyyah

Internasional - Malaysia



Zawiyah As-Syaziliyyah Internasional - Malaysia

Pustaka Sufi Arab - Terjemahan Melayu

Rahmat Muhamad



Iktibar **TAK BERTEPI**

Syeikh Dr. Mahmoud MrGlani

*alih bahasa :
Rahmat Syazili*

-siri 6-

Daftar Isi

<i>Sekapur Sireh</i>	<i>1</i>
<i>Khabar Berita Dari Bumi Tuhan -6</i>	<i>4</i>
<i>Khabar Berita Dari Bumi Tuhan -7</i>	<i>10</i>
<i>Aku Berpergian Kepada Tuhanku -1</i>	<i>15</i>
<i>Aku Berpergian Kepada Tuhanku -2</i>	<i>17</i>
<i>Aku Berpergian Kepada Tuhanku -3</i>	<i>19</i>
<i>Hdad -1</i>	<i>21</i>
<i>Hdad -2</i>	<i>25</i>
<i>Hdad -3</i>	<i>28</i>
<i>Iktibar Tak Bertepi -1</i>	<i>31</i>
<i>Iktibar Tak Bertepi -2</i>	<i>33</i>
<i>Si Cerdik Faham Dengan Isyarat -1</i>	<i>36</i>
<i>Si Cerdik Faham Dengan Isyarat -2</i>	<i>38</i>
<i>Si Cerdik Faham Dengan Isyarat -3</i>	<i>41</i>
<i>Si Cerdik Faham Dengan Isyarat -4</i>	<i>44</i>
<i>Si Cerdik Faham Dengan Isyarat -5</i>	<i>47</i>
<i>Si Cerdik Faham Dengan Isyarat -6</i>	<i>51</i>
<i>Si Cerdik Faham Dengan Isyarat -7</i>	<i>55</i>
<i>Marilah Saling Berta`aruf -1</i>	<i>58</i>
<i>Marilah Saling Berta`aruf -2</i>	<i>59</i>
<i>Marilah Saling Berta`aruf -3</i>	<i>60</i>
<i>Marilah Saling Berta`aruf -4</i>	<i>62</i>
<i>Marilah Saling Berta`aruf -5</i>	<i>64</i>

<i>Alangkah baiknya Kalau...</i>	67
<i>Umat Terbaik</i>	71
<i>Allahumma Robbana...</i>	75
<i>Sekularisme</i>	76
<i>Bukan Engkau... Tapi DIA! -1</i>	79
<i>Makar Orang Bakhil</i>	82
<i>Jiran</i>	84
<i>Akhir Zaman -1</i>	87
<i>Akhir Zaman -2</i>	88
<i>Akhir Zaman -3</i>	90
<i>Akhir Zaman -4</i>	92
<i>Akhir Zaman -5</i>	95
<i>Akhir Zaman -6</i>	97
<i>Akhir Zaman -7</i>	100
<i>Akhir Zaman -8</i>	102
<i>Akhir Zaman -9</i>	104



*Sidna As-Syeikh Al-Kamil
As-Syarif Abdun Nasir Al-Hasani As-Syazili*

Sekapur Sireh



الْحَمْدُ لِلَّهِ رَبِّ الْعَالَمِينَ * اللَّهُمَّ صَلِّ وَسَلِّمْ وَبَارِكْ عَلَى
سَيِّدِنَا وَمَوْلَانَا مُحَمَّدٍ وَعَلَى آلِهِ الطَّيِّبِينَ وَذُرِّيَّتِهِ الْمُبَارَكِينَ
وَصَحَابَتِهِ الْأَكْرَمِينَ وَأَزْوَاجِهِ أُمَمَاتِ الْمُؤْمِنِينَ صَلَاةً
مَوْصُولَةً تَتَرَدَّدُ إِلَى يَوْمِ الدِّينِ * وَبَعْدُهُ؛

Alhamdulillah dengan limpah kurnia dariNya sekarang terbitlah siri keenam dari koleksi terjemahan Melayu artikel guru murrobbi kami Syeikh Dr. Mahmoud MrGlani Al-Husayni putera kota Madinah Al-Munawwarah dari asal teks Bahasa Arabnya yang beliau siarkan secara berterusan di laman Facebook sejak bertahun-tahun.

Penulisan beliau yang menyentuh berbagai topik dan secara khusus memfokus kepada usaha-usaha untuk menghidupkan kembali hati dan naluri insan Muslim dan nonmuslim di zaman kita telah membuka

mata, akal dan sanubari kami murid-murid beliau di tanah air, ia telah membantu memperbetul berbagai kesalahfahaman kami serta meluruskan halatuju dalam hidup untuk menempuh jalan menuju ALLAH.

Maka inilah kami bukukan artikel-artikel Syeikh kami itu buat peringatan dan obor menerangi hayat... untuk kita sekarang dan buat generasi yang mendatang.

وَاللَّهُ وَلِيُّ التَّوْفِيقِ وَالسَّادِدِ وَإِلَيْهِ الْمَرْجِعُ وَالْمَعَادُ.

-Penerbit-





Khabar Berita Dari Bumi Tuhan -6

11 September 2014

Ada seorang murid sejati (ALLAH jua yang lebih mengetahui) pengikut seorang syeikh tareqat sufi.

Murid initalah bersungguh-sungguh mengkhidmati syeikh lagi sanadnya itu siang dan malam...24 jam sehari dan 7 hari seminggu dia mengkhidmati syeikhnya, teman-temannya dan zawiyah.

Gigihnya dia berkhidmat sampaikan bila sudah berkahwin...dia cuma pulang sehari seminggu berziarah kepada isterinya...boleh jadi hanya untuk beberapa jam...kemudian balik semula dengan segera...

Satu hari pun tak sanggup dia lalui tanpa melihat syeikhnya, bicara dengan syeikhnya dan mendengar kata-kata syeikhnya.

Sepanjang waktu dan sepenuh umurnya...diisi dengan zikir, khidmat, menyambut rombongan tamu dan muridin...

Makin lama makin melebar jaringan jemaah hinggalah masjid kecil warisan syeikh kepada syeikhnya kini sudah jadi zawiyah besar.

Apabila masjid itu direnovasi menjadi zawiyah besar dibuatkanlah bilik khas untuk syeikh dan bilik khas untuk si murid sejati.

Melalui bimbingan syeikhnya meningkatlah si murid dari tahap ke tahap hingga dialah yang menjadi juru istikharah kepada syeikhnya. Contohnya untuk menerima murid baru dalam tareqat, menerima pelajaran baru untuk peningkatan dan lain-lain perkara...

Bilangan murid pun makin bertambah dan berkembang di gugusan negerinya. Tentunya apabila bilangan murid bertambah kuantiti perhatian kepada mereka pun berkurang...lalu muncul dan bertambahlah biang masalah.

Di sini timbullah berbagai masalah kepada si murid tua yang sejati...lagi baik hati ini. Apakah semua itu merupakan ujian dan cobaan...atau kerana suatu sebab lain...ALLAH jua yang lebih mengetahui.

Tapi inilah yang telah menyayat hati saya...dikeranakannya saya hari ini menulis tentang dia.

1- Dia gigih berzikir, baik hati, pemurah, bercahaya... baik akhlak, tawadhuk, senyum manis, menunaikan hajat orang....saya sayang kepadanya...saya telah kenal dia sejak lebih 30 tahun.

2- Dia seorang yang tulus lagi cinta dan fana kepada syeikhnya...begitulah dia hatta walau pun selepas diasingkan dari zawiyahnya... (kerana macam-macam fitnah orang padanya...yang dibuat oleh murid-murid yang baru yang masih mentah dengan masyrab sufi).

Mereka yang dengki atau yang menyalahi menyerangnya dengan ganas dan kasar yang bukan main-main... tiap masa berlalu ada saja cerita baru saya dengar... ALLAH tetap bersama dan menolongnya... saya tangisi nasibnya dari dulu hingga sekarang.

Saudara saudariku sidang pembaca budiman para kesayangan di timur dan barat dunia...

Puak yang bersangka-sangka dengan sangkaannya, yang menyulam tipu daya dengan tipu dayanya, yang berdusta dengan dustanya, yang mengotori dengan kotorannya...

...puak-puak ini objektif mereka sentiasa satu, yaitu meruntuhkan tasawuf islami yang sunni yang iyalah maqam ihsan...dengan berbagai jalan, cara, wasilah, teknik dan helah... saya mohon pada semua untuk mengambil pencerahan, kefahaman, untuk beramal dan mengetahui...

1- Kata mereka sebab dia (si murid sejati itu) diasingkan...ialah kerana dia menganjurkan satu pertandingan menghafaz qasidah Al-Burdah As-Syarifah tanpa izin tuan syeikhnya...kerana dalam jalan tareqat mereka tidak ada maulid, tidak ada qasidah, tidak ada madah-madah...yang ada hanya zikir dan zikir.

2- Kata mereka lagi...dengan arahan dari syeikh dia beristikharah untuk mengetahui siapakah dia khalifah pengganti selepas tuan syeikh. Istikharah ini dia lakukan selama bertahun-tahun...tiap kali selepas musim haji setiap tahun. Sepanjang-panjang tahun itu masih juga belum muncul dalam istikahrahnya siapakah khalifah itu...namun tiba-tiba

pada tahun itu terzahirlah dalam istikharah...bahawa dirinyalah khalifah pengganti selepas syeikhnya.

Murid-murid baru khususnya golongan berada dan mereka yang berpengaruh lagi berkepentingan itu ini menolaknya kerana dia khadam kepada syeikhnya dan zawiyahnya...dia bukan penuntut ilmu, dia tidak pernah mengaji ilmu...dia tidak terbilang dari kalangan ulama.

3- Kata mereka lagi...tuan syeikh telah mengkasyaf kepadanya dan menemukan dia dengan hadrat saiyidis sadaat Saiyidina wa Maulana Muhammad صلى الله عليه وسلم.

Natijahnya ialah dia menyombong dan berlagak syeikh di hadapan syeikhnya...sebab inilah dia diasingkan.

Ada juga yang menggunakan istilah kasar dengan berkata dia dihalau ...(yang cakap begitu adalah musuh-musuhnya).

Wala hawla wala quwwata illa billahil 'aliyyil 'azhim, kami mohon perlindungan ALLAH dari dicabut pemberian selepas menerima kurnia,kami mohon istighfar kepada ALLAH dari kejahatan selepas ilmu... dari kehinaan selepas mulia.

Murid-murid baru memusuhi dia pada sumber rezekinya...mereka mengancam mahu memukul dan membunuhnya...saya bertemu dengannya dalam keadaan dia ketakutan.

Untuk apa ini semua berlaku ???....Kenapa ???...ini sebahagian dari fitnah-fitnah akhir zaman...

Dia jadi asing dan masuklah dia dalam daerah pengasingan bersama orang-orang asing...bahkan dia masuk ke rumahnya sendiri ibarat tetamu.

Saya akhiri kisahnya dengan ucapan yang saya dengar dari saiyidi wa maulay As-Syeikh Sidna Abdun Nasir Al-Hasani رضي الله عنه وأرضاه وسامحنا ونفعنا به :

حاشا لله أن يتخذ وليا جاهلا حاشا لله أن يتخذ وليا

بخيلا... وإذا ولاه علمه وجعله كريما

“Tak mungkin bagi ALLAH melantik wali yang jahil...tak mungkin bagi ALLAH melantik wali yang bakhil... jika ALLAH melantiknya nescaya ALLAH pasti mengajarnya dan menjadikan dia pemurah”

Kalau sudah begitu apa lagi yang nak saya katakan...

Allahumma Robbana taubatkanlah kami dan mereka semua dan janganlah jadikan syaitan ada jalan ke atas kami dan mereka. Ya Tawwab ya Rohim.

Allahumma Robbana keluarkanlah kami dan mereka dari kesempitan akal padan manqul dan ma'qul kepada cahaya kewarasan dan hati dalam segala *ma'qul*, *manqul*, *majhul*, *maklum*, *mukasyafah*, *musyahadah* dan *mu'ayanah*. Ya Fattah ya Wahhab.

Allahumma Robbana singkirkanlah dari kami dan mereka segala macam fitnah yang kecil dan yang besar, yang zahir dan yang batin di segenap alam buana.

Allahumma Robbana muliakanlah kami dan mereka untuk menjadi ummat Baginda صلى الله عليه وسلم dan berada dalam millah Baginda صلى الله عليه وسلم dan jadikan kami mati dalam perjalanan sunnah wal jamaah, kami minta yang demikian itu untuk kami, untuk kaum kerabat dan ikhwan kami di jalan ALLAH serta kaum muslimin muslimat mukminin mukminat ya Arhamar Rohimin. Ya Wadud ya Hannan.



Khabar Berita Dari Bumi Tuhan -7

14 September 2014

Saya berkenalan dengan seorang murid kepada seorang kalangan masyaikh tareqat sufi Islami suni -moga ALLAH meredhoi mereka semua dan mengurnia kita kemanfaaaatan mereka-. Tahu-tahu sudah lebih 25 tahun perkenalan itu berlalu...alangkah pantasnya masa.

Si murid ini dari kalangan kenamaan di negerinya.... dari keluarga orang berada. Satu hari bapanya datang ke majlis syeikhlalu menyerahkan anaknya seraya berkata : “Tuan syeikh, ini anak saya, tuan ajarlah dan didiklah dia... saya mahu dia jadi ulama. Saya mohon tuan syeikh jagalah dia...saya akan tanggung segala keperluan tuan dan keluarga tuan”

Syeikh gembira dan setuju... kemudian beliau memberi dan memakaikan kepada anak itu baju warisan syeikh kepada syeikhnya. Ini merupakan suatu

perlambangan besar dan isyarat agung... kalau diberi kena pada tempatnya dan bukan sekadar menyantuni bapa si anak itu.

Murid ini selalu saya bertemu dengannya dan dia memang tak lekang dari syeikhnya... murid ini amalan zikirnya sedikit... saya selalu mendengar syeikh menegurnya dengan berkata : “Bacalah zikirmu...” atau : “Kamu dah zikir?”....”Anakku, selesaikanlah wirid harianmu”

Tapi si murid ini asyik mencari dan suka bertemu alim ulama untuk menuntut dari mereka segala macam. Kesukaannya ini hingga ke tahap di depan syeikhnya dia mengambil wirid dari masyaikh lain. Saya takjub tapi tak cakap apa-apa...masa itu kepada siapalah saya nak bercakap.

Dia ambil ijazah berbagai tareqat lain dari berbagai masyaikh sufi...dan syeikhnya tak capa apa-apa.

Saya rasa pedih...saya rasa nak jerkah dia... saya nak maki dia... sebab dia sebaya dengan saya. Saya nak cakap padanya seperti yang disebut oleh para junjungan kami -moga ALLAH meredhoi mereka semua-:

إلزم بابا واحدا ... إذا فتح لك تفتح لك كل الأبواب

“Lazimilah satu pintu...pabila ia terbuka kepadamu...akan terbuka kepadamu segala pintu”

Tapi itu tidak saya lakukan....

Si murid ini memang punya ciri khas untuk menjadi ulama...iya...*wallahu a'lam*. Tapi dia tak punya sifat-sifat untuk menjadi murid sejati atau menjadi syekh mursyid.

Hari demi hari berlalu...masa silih berganti... waktu datang dan pergi...masing-masing kami sibuk dengan kehidupan sendiri, sibuk dengan enviroment peribadi, sibuk dengan target, kehendak, tujuan, harapan, cita-cita dan... dan itu semua sudah ditakdirkan ALLAH ke atas kami.

Kemudian dengan tiba-tiba saja beritanya sampai kepada saya selepas bertahun-tahun putus...sebelumnya memang saya kehilangan jejaknya...kerana kami pun memang tak pernah sepakat, tak pernah berkawan rapat dan tak pernah bersahabat erat. Kerana roh kami masing-masing berbeza dan tak sama.

Apa pun yang penting ialah tujuan saya menceritakan hikayatnya kerana dua perkara ini.... saudara-saudara fahamilah dengan baik :

1- Saya amat sedih dengan nasib yang menyimpannya... dengan cara zalim dan inaya dia dihukum penjara kurang lebih setahun... tak pentinglah penjara itu, tapi yang penting ialah dia dipenjara ekoran pertelingkahan antara dua kumpulan Islam yang berpengaruh kuat... masing-masing mendakwa pihaknya yang benar...pihaknya firqah yang selamat...

aduhai musibah akhir zaman.

Dia dituduh berzina dengan seorang pelancong wanita Arab... pemandunya diugut dan dipaksa menjadi saksi palsu atas pertuduhan itu... dan akhirnya dia disumbat ke penjara. Saya menangis dan masih terus menangisnya.

Saya tahu dia tak bersalah ibarat serigala yang langsung tiada kena mengena dengan darah Saiyidina Yusuf عليه الصلاة والسلام. Faktor tak bersalahnya amat banyak....yang paling utama ialah sejak 25 tahun dia mengidap diabetes... dia adalah manusia baik yang istiqamah... dia tampan... dia berharta...kalau mahu kahwin empat memang tiada masalah. Tapi kesibukannya yang tak kunjung habis pada menuntut ilmu...ini kesaksian saya padanya ketika kami pernah bersama.

2- Saya amat sedih dan marah kepadanya...dia mengambil kesempatan dari keadaan syeikhnya yang lemah dan sakit tua lalu mendakwa dirinya telah menjadi syeikh mursyid...setelah menjadi popular dia mula menyebut dalam kuliah dan proramnya bahawa syeikhnya adalah quthbul aqthab dan...

Allahumma Robbana taubatkanlah kami sekalian dengan taubat nasuha, kembalikanlah diri kami kepadaMu dengan mulia, jangan Engkau jadikan ada dikalangan kami atau yang bersama kami orang celaka, orang terhalang, orang yang dipersempiti pada

rezekinya atau orang derhaka pada dua ibu bapanya.
Allahumma amin.

Maafkanlah aku ya Robbi ya ALLAH, betapa penat
lelah menulis dan mengarang... di zaman sekarang...
zaman orang tak suka membaca...zaman kefahaman
sudah ditutup...zaman hati tak mahu hidup dan...dan
...dan...

Dan akulah si malang yang terpaksa juga menulis
dengan derita dan luka...ku harapkan kepada yang
memegang kuasa di tangannya agar melepaskan aku
dari tanggungjawab menulis... melainkan jika perkara
ini menjadi kebaikan dan peningkatan buatku.

وصلی اللہ علی سیدنا ومولانا محمد النبی الکریم وعلی آلہ
وصحبہ وسلم تسلیما کثیرا.



Aku Berpergian Kepada Tuhanku -1

21 September 2014

*Sesungguhnya Aku Berpergian
Kepada Tuhanku...*

Pasti DIA Kan Menghidayatiku -1

Ini adalah ayat Al-Quranul Karim nombor 99 dari Surah As-Soffat :

(وَقَالَ إِنِّي ذَاهِبٌ إِلَىٰ رَبِّي سَيَهْدِينِ)

*“Dan dia (Saiyidina Ibrahim) berkata :
“Sesungguhnya aku berpergian kepada Tuhanku,
pasti Dia kan menghidayatiku”.*

kemudian diikuti dengan permohonan :

(رَبِّ هَبْ لِي مِنَ الصَّالِحِينَ)

“Robbi, kurniailah daku anak keturunan dari kalangan solihin”

lalu Baginda pun beroleh jawaban dan ijabah :

(فَبَشَّرْنَاهُ بِغُلَامٍ حَلِيمٍ)

“maka kami beri padanya khabar gembira beroleh anak yang santun”...

Iniilah dia yang dituntut oleh kalangan masyaikh kamil رضوان الله عليهم أجمعين ونفعنا بهم, amin.

Mereka menuntut dan mencari kalangan murid-murid yang sodiqin untuk memberi kepada murid-murid itu segala sirr, keberkatan, nur dan ilmu dari para masyaikh....

Sidna Syeikh Abdun nasir selalu berkata....

“Siapa yang hadir (datang) kepada kami akan mendapat apa yang dia mahu

sedang kami sendiri tidak memberi melainkan kepada siapa yang kami mahu”.

Allahumma Robbana sesungguhnya aku mengaku kekurangan, kedhaifan dan kejahilanku....

sudilah memuliakan aku ya Robbana untuk menjadi seperti yang Sidna mahu pada kami sekalian....
Allahumma amin.



Aku Berpergian Kepada Tuhanku -2

9 Oktober 2014

*Sesungguhnya Aku Berpergian
Kepada Tuhanku...*

Pasti DIA Kan Menghidayatiku -2

Sidna Syekh رضي الله عنه وأرضاه ونفعنا به berkata :
Syiar kita di zaman sekarang ... ayat-ayat ini yang
dari Surah Al-A'la

قَدْ أَفْلَحَ مَنْ تَزَكَّى (14)

*“Sesungguhnya telah berjaya siapa yang memurnikan
jiwanya”(orang yang berguru dengan syekh
tarbiyyah pembimbing suluk (perjalanan) ...lalu dia
pun menempuh jalan tarbiyyah).*

وَذَكَرَ اسْمَ رَبِّهِ فَصَلَّى (15)

“Dan dia zikir nama Tuhannya lalu dia solat” (dia memelihara amalan wirid zikirnya dan hadir majlis zikir).

بَلْ تُؤْثِرُونَ الْحَيَاةَ الدُّنْيَا (16)

“Bahkan kamu memilih keutamaan hidup duniawi” (dunia menuntutmu).

وَالْآخِرَةُ خَيْرٌ وَأَبْقَى (17)

“Sedangkan akhirat lebih baik dan lebih kekal” (Akhirat membawamu kepada keselamatan, kemenangan dan kebahagiaan).



Aku Berpergian Kepada Tuhanku -3

9 Oktober 2014

*Sesungguhnya Aku Berpergian
Kepada Tuhanku...*

Pasti DIA Kan Menghidayatiku -3

Sidna Syeikh رضي الله عنه وأرضاه ونفعنا به berkata :
Fitnah pancaroba akhir zaman dinyatakan
dalam lima ayat Surah Al-Muddassir:

مَا سَلَكَكُمْ فِي سَقَرٍ (42) ؟؟؟؟؟

“Apa yang mengarahkan jalanmu sampai ke Neraka
Saqr ???” (dalam neraka... na`udzu billah dari
neraka).

قَالُوا لَمْ نَكُ مِنَ الْمُصَلِّينَ (43)

“Mereka berkata : Kami dahulu tak menjadi golongan yang solat” ... (ahli zikir)

وَلَمْ نَكُ نُطْعِمُ الْمِسْكِينَ (44)

“Dan kami dahulu tidak beri makan kepada orang miskin” ... (orang pemurah dan berinfak)

وَكُنَّا نَخُوضُ مَعَ الْخَائِضِينَ (45)


“Dan kami dahulu sama-sama mengata-ngata bersama mereka yang mengata”(ahli kejahatan dan laknat)

وَكُنَّا نَكْذِبُ يَوْمَ الدِّينِ (46)

“Dan kami dahulu membohongi hari pembalasan” (ahli dusta, inkar dan menentang).

Tuan-puanku sekalian, marilah kita bersama dengan ahli zikir, para pemurah serta ahli infak yang mereka semua itu sembunyi dari pandangan manusia ramai.

Tuan-puanku sekalian, marilah kita lari dari ahli kejahatan, warga laknat, para pendusta, pengingkar dan penentang yang merata-rata adanya lagi zahir di segala pelosok negara.



Allahumma Robbana pimpinlah tangan kami semua kepada keselamatan, perjalankanlah kami dengan kelembutan dan kasihmu kepada perjalanan Akhirat... jalan ahliMu yang Engkau istimewakan mereka ya ALLAH... ya Ahad... ya Fard... ya Somad.



Hdad -1

27 Disember 2014

Dalam bahasa harian warga Madinah Al-Munawwarah zaman dahulu perkataan “*hdad*” (هدد) diguna pakai untuk menyebut kerja-kerja meruntuh/melupus rumah-rumah kediaman, bangunan-bangunan kedai dan ruang terbuka hingga tempat tersebut jadi lapang dan kosong... bagi kepala yang sudah dicukur licin.

Itu tak penting...kemudian kawasan tersebut sama ada dijual, dibahagi-bahagi atau diberi...yang pentingnya ialah kawasan itu kembali dibina semula dengan bangunan-bangunan gergasi pencakar langit, hotel-hotel besar dan pusat-pusat membeli belah yang gagah. Semua yang telah disebutkan tadi menjelaskan makna perkataan *hdad* (هدد).

Sekarang ingin kami lontarkan pemikiran-pemikiran yang gagah... bagi (هدد). Jika mana-mana negara dunia mahu bebas dari berbagai penyakit maka

wajiblah mereka mengambil berat soal kebersihan....

Contohnya...mengindustri sabun bermutu tinggi dan mampu dimiliki semua dengan harga yang rendah.

Disamping itu tong-tong sampah yang berada di merata tempat hendaklah dibersihkan setiap minggu dengan pancutan air berkuasa tinggi. Saya saksikan dengan mata saya sendiri hanya ada satu saja negara dunia yang mengamalkan kaedah pembersihan seperti ini.

Memang belum semua negara dunia telah saya jelajahi. Tapi perasaan saya kuat mengatakan begitu.

=====

Hdad (هدد) = meruntuh yang batil, yang rosak dan yang mungkar...dan membina yang hak, yang benar dan yang soheh.

Tiga ayat suci nan agung ini memberi nuansa gembira yang sebesar-besarnya apabila yang hak zahir tidak kira dalam apa perkara. Firman ALLAH Subhanahu wa Taala :

حَتَّىٰ جَاءَ الْحَقُّ وَظَهَرَ أَمْرُ اللَّهِ وَهُمْ كَارِهُونَ

“...sehingga apabila yang hak datang dan zahirlah perintah ALLAH, sedang mereka tidak menyukainya...”

وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا

“Dan katakanlah : Telah datang yang hak dan yang batil sudah tumpas sia-sia, sesungguhnya yang batil itu memang tumpas sia-sia”.

قُلْ جَاءَ الْحَقُّ وَمَا يُبْدِي الْبَاطِلُ وَمَا يُعِيدُ

“Katakanlah: “Sudah datanglah yang hak, dan yang batil itu tidak memberi sebarang kebaikan (di dunia) ...usahkan hendak mengulanginya (di akhirat)”.



Hdad -2

28 Disember 2014

Adapun menghidupkan yang hak dalam diri, dalam jiwa dan dalam rohani...itulah dia mematikan kebatilan dari fikiran dan akal manusiawi. Allahumma amin.

Sebagai contoh :Ada dua kelompok besar yang masing-masing punya pendokong dan simpatisannya.

Kelompok pertama : Kaum Sufi dan Ahli Tasawuf.... Golongan anti Tasawuf menamakan mereka sebagai al-quburi (pemuja kubur).

Kelompok kedua : Kaum Khawarij dan Khawalif (yang menyalahi perjalanan para pendahulu) Golongan anti Khawarij menamakan mereka sebagai Al-Hasyawiyah dan Al-Mujassimah.

1- Kelompok pertama sentiasa dan terus menerus diserang dengan ganas, kasar dan bertubi-tubi sedang mereka pula hanya bersikap diam... kadang-kadang mempertahankan diri. Jadi mereka adalah pihak yang

bertahan dan berada di garis pertahanan.

Kelompok kedua sentiasa dan terus menerus menjadi pihak penyerang yang menyerbu dengan gagah, tanpa belas kasihan dan tanpa simpati ke atas pihak pertama.

2- Kelompok kedua diperbolehkan untuk melakukan apa saja ke atas kelompok pertama, tapi kelompok pertama tidak diperbolehkan untuk melakukan apa-apa tindakan bagi melawan kelompok kedua.

3- Siapa saja individu dari kelompok kedua adalah halal dan diperbolehkan baginya untuk membuka sekolahnya, untuk mengajar ajarannya dan membuka rangkaian saluran medianya dan mengawalselia masjid, minbar, kuasa undang-undang dan berbagai-bagai lagi.

Adapun bagi kelompok pertama diharamkan ke atas mereka untuk bercakap di radio dan tv, dihukum kufur jika membuka sekolahnya, jika menyebarkan pemikiran dan pengajarannya lagi dia tidak berhak untuk bercakap di minbar, di pentas undang-undang dan banyak lagi.

4- Adalah halal, dibenarkan dan diterima apabila kelompok kedua mengkafirkan kelompok pertama... dan menempel segala macam label ke atas mereka supaya masyarakat awam takut dan lari dari kelompok pertama.

Akan tetapi dikira tidak masuk akal dan tak boleh diterima apabila kelompok pertama membela diri dengan menafikan segala macam tohmahan yang dilempar ke atas mereka oleh kelompok kedua... semua orang berakal akan menasihati kelompok pertama bahawa perbuatannya membela diri itu tidak wajar, tidak boleh dan tidak patut.

5- Jawapan saya kepada semua orang berakal itu ialah mengapa mereka tidak pergi menasihati kelompok kedua dan menenangkan mereka. Orang-orang berakal itu hanya pergi menasihati kelompok pertama ...demi perpaduan umat... demi itu dan demi ini.

Sidang pembaca sekalian sudah fahamkah apa maksud saya... saya tak dapat nak berterus terang lebih dari had ini.

Saya mohon kepada semua agar janganlah kita hanya selesai dengan mengambil kefahaman tunggal dan natijah yang satu tiada duanya... tapi silakanlah terbang bebas dengan pemikiran, fantasi dan memorimu.

Nescaya engkau akan tahu dengan ilmu yaqin... bahawa segala macam problem umat adalah berpunca dan terus berpunca dari kelompok kedua.

Salam kasih dan kesejahteraan dariku buat kalian semua.



Hdad -3

28 Disember 2014

Meningkir yang batil pada fikiran dan kewarasan... serta menghidupkan yang hak pada diri, jiwa dan rohani. Allahumma amin.

Semalam saya solat Jumaat di sebuah masjid tua di Kota Istanbul. Dan sememangnya kebanyakan masjid kota ini tua nan klasik, indah mempesona lagi bercahaya, di dalamnya dapat dicium dan dirasai aroma ahli zikir mereka yang agung zaman-zaman dahulu. Semoga ALLAH menerima dari mereka dan dari kita, semoga ALLAH menerima kita semua... Allahumma amin.

Saya amat gembira apabila mendapati imam jami' = masjid ini... imam lantikan rasmi merupakan orang pertama yang datang ke masjid dan membuka pintu-pintunya. Masya ALLAH تبارك الله. Kemudian saya lihat beliau dengan pantas melakukan kerja-kerja kebersihan dan mengelap habuk. Dan beliau sendirilah juga yang menyambut tamunya penyampai tazkirah dan kuliah

yang biasanya dilakukan sebelum khutbah Jumaat.

Saya lihat sendiri tuan imam itu memasang tangga buat tamunya untuk naik ke pangkin tempat menyampaikan ucapan... tuan imam membawa kain lap untuk membersihkan segala habuk yang ada di hadapan tamunya di pangkin kuliah yang hanya ada dalam budaya Daulah Othmaniyyah. Pangkin itu dibuat dari kayu mahal dan diletak di satu sudut masjid dan tingginya dua meter atau kurang sedikit. Di atas pangkin itu sang penceramah akan duduk dengan selesa dan menyampaikan ucapannya.

Saya sekali lagi gembira kerana sang penceramah dan khatib sedari awal hingga akhir kedua-dua mereka terus mentakzim Saiyidina wa Maulana Muhammad Rasulullah صلى الله عليه وسلم. Masya ALLAH.

Dan kegembiraan saya berkepanjangan apabila mendapati semua hadirin baik yang tua maupun yang muda -kecuali sebahagian- sepanjang masa sejak mula masuk hingga waktu nak beredar duduk cara abdi dan 'ubudiyyah, duduk tasyahhud....Duduk cara adab bagaimana peradaban antara syeikh dengan para murid dan siswanya.Duduk cara pendengar mendengar khutbah dari khatibnya.

Puncak kenang-kenangan manis... hari-hari yang indah dari zaman-zaman dahuludi Madinah Al-Munawwarah...di Makkah Al-Mukarromah... di Al-Quds As-Syarifdi Al-Azhar As-Syarif.... di Az-



Zaytunah... di Qayrawandi semua zawiya, masjid
dan musolla di seluruh rantau negeri dunia

Alhamdulillah syukur kepada ALLAH kerana
dunia ini masih lagi ada kebaikan padanya dan ahli
kebaikannya masih ada.



Iktibar Tak Bertepi -1

11 September 2014

Seorang raja mangkat di tanah buangan... dalam wasiat baginda meminta...atau ahli keluarganya meminta agar baginda disemadikan di tempat kelahirannya, di sisi ayahnda dan nendanya...selepas sepuluh hari barulah permintaan itu diluluskan...

...dengan syarat pengebumian mesti dijalankan waktu malam...hanya boleh dihadiri oleh keluarga dan teman-temannya saja.

Dari sudut yang berbagai saya dapat menulis tentang peristiwa ini...dari peristiwa ini satu buku boleh ditulis...

Tapi yang penting bagi saya ialah mengambil iktibar dan mengaktifkan jambangan pengajaran buat menumbuh dan menyegarkan fikiran dan pemikiran.

(وَهِيَ خَاوِيَةٌ عَلَى عُرُوشِهَا)

“Inilah jadinya sekarang, ia tinggal puing-puing sepi”

(فَهِيَ خَاوِيَةٌ عَلَى عُرُوشِهَا)

“Maka inilah dia sepi menjadi puing-puing terbiar”

(فَتِلْكَ بُيُوتُهُمْ خَاوِيَةٌ)

“Maka itulah rumah-rumah mereka yang sudah kosong”

(كُلَّمَا دَخَلَتْ أُمَّةٌ لَعَنَتْ أُخْتَهَا)

“Tiap masuknya umat (kelompok yang baru) mereka melaknat yang sebelumnya”



Iktibar Tak Bertepi -2

11 September 2014

Seorang permaisuri mangkat di tanah buangnya dan suaminya.

Pada mulanya suaminya baginda tuanku yang mangkat mengadap Tuhan di tanah buangan. Dalam wasiatnya baginda minta agar dirinya dikebumikan dekat dengan nendanya Saiyidina wa Maulana Rasulallah صلى الله عليه وسلم.

Baginda beroleh kemuliaan lalu dengan pantas dikebumikan di sana...adapun baginda itu seorang wali quthb di zamannya وأرضاه رضي الله عنه dan kenyataan ini saya dengar dari para junjungan awliya' kami رضوان الله عليه...terpulanglah jika awak nak terima atau kalau tidak lupakanlah saja.

Pada satu hari baginda sedang duduk di sisi nendanya Saiyidina Rasulallah صلى الله عليه وسلم di raudhah yang mulia, di situ baginda terdengar cakap-cakap jemaah haji Libya ...dan cakap-cakap itu diaminkan

oleh baginda... kata baginda : Amin...kerana baginda tidak mahu dunia.

Kata kumpulan jemaah itu : “Allahumma lebih baik kau bagi kami Iblis, dan janganlah si ...(mereka sebut nama raja).

Lalu ALLAH pun beri apa yang mereka mahu.

Dan sudah terjadilah segala yang terjadi... semua orang pun tahu... peristiwa demi peristiwa berlaku dari satu kesusahan berlanjut kepada kesusahan yang lebih besar berlarut-larut hingga sekarang. Kisah demi kisah terjadi dan masih berterusan.

Allahumma ringankanlah dari kami dan mereka beban azab, kami dan mereka semua orang beriman... muslimun.

Kemudian berselang waktu mangkatlah pula isteri baginda wanita syarifah yang panjang umur itu... dalam wasiatnya permaisuri meminta...agar dirinya dikebumikan di sisi suaminya di negeri nenda baginda
صلی الله علیه وسلم.

Kelulusan diterima dengan cepat dari pihak berkuasa rasmi... tapi jenazah almarhumah lewat dikebumikan dan disimpan dalam peti sejuk hingga seminggu ??!!!

Kemudian pada hari sekian disolatkanlah jenazahnya dan satu lagi jenazah selepas asar.

Sepatutnya kedua-dua jenazah menuju ke Jannatul Baqi...tapi yang berlaku lain...????!!

Jenazah satu lagi pergi ke Baqi.

Adapun permaisuri menunggu hingga datang satu ambulan dan membawanya ke satu tanah perkuburan lain yang baru dan kecil

Berdekatan dengan Saiyidus Syuhada Saiyidina Hamzah Bin Abdul Muttholib رضي الله عنه وأرضاه....yang beliau itu amir (penguasa) abadi kota Madinah Al-Munawwarah...inilah yang saya dengar dari para junjungan awliya kami رضوان الله عليهم أجمعين.

Tika pengkebumiannya yang ada hanya seorang penggali kubur...dan hanya lima orang lain

Sedangkan jenazah ini dulunya dalah seorang permaisuri yang budiman lagi merendah diri...seorang wanita yang agung peribadi...seorang syarifah nan mulia dari rumahtangga Baginda Nabi.

Saya mohon pada tuan dan puan sekalian...sentiasalah kita mengasihani insan yang dulunya petinggi kaum kemudian jadi terhina dan terbuang di muka bumi.



Si Cerdik Faham Dengan Isyarat -1

8 Januari 2015


Zaman dahulu ungkapan ini acapkali digunakan...
sekarang hampir sudah tak ku dengar lagi dan tak
ku lihat dalam bahan bacaan... tak mengapalah.

Esok hari Jumaat... malam Sabtu... hari 11 malam
12 Rabi'ul Awwal

Semesta alam suka cita... bangkit riang gembira...
dengan kelahiran penghulu alam kewujudan dan
penyebab bagi segala yang diadakan

Saiyidina wa Maulana Muhammad Rasulullah ﷺ
الله عليه وسلم.

Hadiah ini... dan kenangan peristiwa agung lagi
besar ini yang berulang setiap tahun... sewajibnya
menggempakan sanubari kita dengan timpaan hujan
keinginan yang menyala-nyala... dan gugusan cahaya
nan membakar... kepada sanubari ini



yang sememangnya tiada tempat bersemi dan tiada sumber mata air yang dapat membuakkan cinta dan takzim... melainkan dari hati sanubari ini.

Ya Robbana peruntukkanlah bagi kami peluang seluasnya dan bahagian yang besar dari kurniaan malam ini dengan dapat bergantung kepada hadrat Baginda nan agung صل الله عليه وسلم... tanpa apa-apa daya dan upaya dari kami... tiada apa amalan kami dan kami sememangnya tak punya apa-apa.

Sudilah kiranya Engkau bersedekah kepada kami yang fakir ini... kepada kami yang teramat fakir dari segala hamba yang fakir ini.

Allahumma Robbana... amin ya Arhamar Rohimin.



Si Cerdik Faham Dengan Isyarat -2

8 Januari 2015

Kalimat (*labib* = cerdik) adalah kata tunggal dari makna kata jamak... yang memberi erti para penyantun lagi rahmat yang merupakan golongan *ulil albab @ ulul albab*.

كَمَا تَدِينُ تُدَانُ

*“Bagaimana sikap perbuatanmu...
begitulah yang akan dilakukan ke atasmu”.*

Makna pepatah ini ialah : Sepertimana engkau melakukan kepada orang lain begitu jugalah yang akan dilakukan kepadamu... dengan kadar kekerasan, kekuatan, kesakitan dan kezaliman yang sama seperti perlakuanmu.

Contohnya : Sebelum ini untuk menukar jadual perjalanan pada tiket penerbangan yang telah dibeli

adalah percuma...tak perlu membayar.

Kemudian polisinya berubah kepada hanya perlu membayar kos penukaran tiket sahaja... dan perlu membayar lebih jika kelas tempat duduknya tidak sama.

Tapi hari ini sudah jadi musibah dan zalim yang amat sampai ke tahap membeli tiket baru adalah lebih baik dan lebih murah dari menukar jadual tiket yang asal.

Di samping itu semua tiket yang sebelum penukaran jadi terbatal sia-sia...mereka takkan memulangkan wang kamu... kerana semuanya sudah “burn”.

Contoh lain yang sama seperti yang di atas.... membeli printer baru adalah lebih baik dan lebih murah... dari menukar dakwat printer.

Mereka telah memaksakan satu budaya baru ke atas kita :Mereka wajib mengambil untung berlipat kali ganda dari alat ganti dan kerja-kerja penyelenggaraan lebih dari kita membeli satu unit baru.

Dengan amat zalimnya mereka berkata kepada pengguna : “Kami tidak mendapat untung dari jualan”...-selepas mereka mereka mengaut jutaan wang- “...kami hanya mengambil untung dari alat ganti dari kerja-kerja penyelenggaraan”...mereka hanya mahu mengaut untung berganda-ganda tanpa peduli soal belas kasihan.

Begitu jugalah halnya :Untuk mendaftar perkhidmatan talian telefon bimbit berbayar hanya mengambil masa beberapa saat... tapi proses menutup talianmu itu akan berkepanjangan sampai berbulan-bulan dan bertahun-tahun.

Kenapa... kami telah menghubungi encik tapi encik tak jawab... dan tentunya dialog ini berlaku selepas kamu menemui mereka, membayar segalanya dan mengajukan permohonan menutup talian...

dan dalam tempoh itu... bil terus berjalan.

Sudah beginilah situasi yang berlaku di keliling kita... dan kita mengharapkan kebaikan akan turun kepada kita... macam mana nak datangnya kebaikan itu dan kepada siapa akan datangnya ia ?????

Tolonglah fikirkan... hadirkanlah sikap rahmat dan rahmat-merahmatilah kita dalam kehidupan... dunia ini pergiliran... sampai masa datang giliranmu dan kami pun begitu jua.



Si Cerdik Faham Dengan Isyarat -3

8 Januari 2015

Hari ini di Masjid Haram Nabawi على صاحبها أفضل صلاة واذكي سلام وتحية وتعظيم صل الله عليه وسلم تسليما كثيرا selepas solat asar datang seorang lelaki ke sebelah saya. Tujuannya mahu tidur dengan kakinya dihadapkan kepada kiblat dan melunjur ke arah makam jujungan mulia صل الله عليه وسلم.

Saya pun menegur dia : “Encik silakanlah pergi ke belakang. Tidurlah di sana dengan melunjur kaki lawan arah kiblat”.

Dia menampik marah : “Mana janggut awak ?!... Kenapa awak tak amal sunnah ?!”

Saya jawab : “Betul, janggut satu sunnah macam yang awak cakap, tapi ada sejuta lagi sunnah... kenapa dalam isu sunnah kaum Muslimin hanya sibuk tentang janggut dan yang lain semuanya tak dipedulikan... makan haram, pandangan haram, cakap

haram dan banyak lagi yang lain.


Kita ditertawakan sehabis-habisnya dalam isu janggut... yang tak lain hanya satu sunnah; dan sunnah itu siapa yang mengamalkannya dapat pahala, yang meninggalkannya tidak berdosa”.

Kemudian saya mengujar kepadanya: “Mana serban awak...bukankah serban juga satu sunnah... Saudara, perbuatan tidur di Masjid Haram Nabawi adalah haram. Awak pergilah balik tidur dan rehat di hotel kemudian kembali semula ke mari dengan kuat dan bertenaga untuk zikir dan ibadat”.

Dia pun beralih : “Di bulan Ramadhan semua orang tidur di masjid waktu iktikaf”.

Saya jawab : “Itu kerana orang kurang ilmu dan agama, di zaman dulu waktu alim-ulama masih wujud orang yang beriktikaf hanya tidur sekitar dua hingga tiga jam sahaja dan boleh jadi kurang dari itu... sepanjang-panjang waktu mereka dipenuhi ibadat, zikir, solat dan tafakkur. Bukannya macam hal kita zaman sekarang yang hanya tidur... elok saja imam beri salam solat jamaah maka jamaah pun berlunjur kaki dan tidur...

...semua orang di bulan Ramadhan tidur di Masjid Haram Nabawi melainkan orang yang dirahmati Robbi. Dah kalau begitu keadaannya mana ada tempat untuk ahli zikir dan ibadat. Segala-galanya sudah berubah saudara.



Awak makanlah dari yang halal... awak bekerja dan carilah pendapatan halal... nescaya awak akan faham... kemudian awak akan menangi ehwal kaum Muslimin dan Muslimat.



Si Cerdik Faham Dengan Isyarat -4

8 Januari 2015

Ada orang cakap : “Kita kena solat lambat-lambat, panjang-panjang... pelan-pelan...” Apakah itu bererti solat kamu makbul ?

Ada pula yang cakap : “Kita kena solat cepat-cepat macam burung terbang...” Apakah itu bererti solat kamu makbul ?

Lalu sebelum dan selepas kenyataan ini... apa yang kau mahu ???

Kabul dari ALLAH عز وجل... atau yang kita mahu adalah kabul dari manusia. Wajib kita mengulangkaji semula... khususnya apa yang telah berlaku kepada kita dalam tempoh 40 tahun lalu.

Wajib kita merujuk kepada kitab-kitab rujukan dasar dari mazhab 4 yang termasyhur. Tiada siapa punya hak untuk menyebarkan budaya peribadinya kepada orang lain.

Contohnya : Adalah menjadi kewajiban seorang imam untuk membaca... dan bercakap dalam bahasa yang umum dipakai secara internasional, bahasa yang dapat diterima, bahasa yang baik dan fasih. Bukannya bercakap cara kabilah, suku, marga dan kaum bangsa lokasi geografi tanah kelahirannya.


Bukan juga bercakap dengan slanga dan lenggok mulut sendiri... tidak kira siapa dia orangnya. ALLAH yang Maha Haq adalah lebih tinggi dari siapa saja dan dari pangkat segala... khususnya jika dia imam yang mengetuai solat di Dua Tanah Suci Yang Mulia dan masjid-masjid besar di seluruh dunia.

Orang awam dari seluruh dunia menurut dia, belajar darinya dan menyangka bahawa dia (si imam) lah yang benar dan lain darinya tidak benar. Lalu si awam ini pulang ke negeri kampung halamannya dan menyebarkan fitnah huru hara... mengeras-ngerasi umat dan agama.

Begitu juga : Tiap negeri ada budayanya yang tersendiri... dari dasar budaya inilah akan terbit fatwa dan segala macam pendapat.

Dan tiada siapa pun yang berhak -tidak kira siapa dia- untuk memukul rata dan memaksa negara-negara lain patuh mengikut fatwa suatu negara.

Ayohai para abdi ALLAH! Rahmatilah kaum Muslimin Muslimat jika kamu mahu rahmat yang Maha Rahman lagi Maha Rahim.



Haram pekerjaanmu melibang-libu mengucar kacir hamba-hamba ALLAH dan tanah bumiNya.

Julanglah bendera ilmu, amal dan adab beserta akhlak dan sertailah kerja-kerja membina tamadun kemanusiaan.

Jadikanlah (kita) kaum Muslimin Muslimat sebagai tauladan dalam soal kemanusiaan, kebersihan, sistem, mahabbah, rahmat, tolak ansur, kerja sama, ketertiban dan dalam soal menghormati undang-undang langit dan bumi.

Yang seperti inilah Islam yang tinggi, yang berharga, yang mempersona, yang kita inginkan... dan yang seluruh dunia menginginkannya.

Lain dari yang ini... adalah tak diterima tidak kira berapa panjang atau pendek masanya.



Si Cerdik Faham Dengan Isyarat -5

9 Januari 2015

Mana tah golongan pemikir umat kita... kalau mereka masih ada... atau boleh jadi bumi ini sudah kering kontang. *Inna Lillahi Wainna Ilaihi Roji`un.*

Hari ini disiarkan di kaca tv di Jerman... dan sebelumnya di Chez

tunjuk perasaan dalam saiz kecil dan besar merata-rata ... yang dirancang rapi ... oleh pihak itu dan ini...

ALLAH jua yang Maha Tahu siapa mereka ... namun wajiblah bagi kita untuk mengambil apa mesejnya... dan berfikir bagaimana mahu menanganinya. Dan yang demikian itu adalah selemah-lemah iman.

Pokok pangkal dari tunjuk perasaan ini ialah :

1- Memprotes kebanjiran pendatang asing ke negara mereka.

2- Menolak segala agama.

Kemudian dengan tiba-tiba protes itu tertuju kepada satu objektif :Memerangi Islam dan kaum Muslimin Muslimat... serta memberi tekanan kepada mereka dengan segala cara yang mungkin.

Point yang wajib untuk kita sama sekali tidak mengabaikannya ialah... pihak yang anti segala agama bersama syaitan merekalah yang telah menciptakan agama Islam Politik ini @ agama baru yang tiada apa kaitan dengan Islam kita yang agung melainkan namanya saja (seperti yang telah dikhabarkan kepada kita oleh penghulu alam kewujudan صل الله عليه وسلم) kemudian mereka mengeksport agama baru ini ke Dunia Islam dan malangnya diterima bulat-bulat oleh manusia-manusia bodoh, gaplah, fasik, munafik serta *maghdubi* 'alaihim dan *dhollin*.

Pihak itu jugalah yang sebenarnya menggerakkan golongan Islam Politik, membiayai mereka, menggunakan mereka, memberi mereka pangkat kedudukan yang disertai dengan segala macam godaannya di negara-negara Islam, negara-negara Arab... dan di seluruh negara dunia.

Mereka menyalaka isu-isu yang amat ranting... dan isu ranting itu mereka api-apikan ... hingga menjadi isu khilafiah dan kafir mengkafir.

Kemudian mereka pilih siapa yang menjadi jurubicara, pendebat dan yang menulis... lalu dijemput

ke sidang-sidang media suratkhabar, radio dan tv

Pihak itulah yang telah memproduksi golongan ini di makmal-makmal tempatan dan antarabangsa... dengan pelbagai eksperimennya (percayalah tuan-puan golongan ini adalah produksi eksperimen tikus makmal melalui proses brainwash dan bermacam lagi kaedah makmal yang segala bagai).


Kerana di zaman sekarang ada kaedah yang masyhur tiap orang ada harganya dan kiaskanlah saja kaedah ini kepada apa saja.

Kemudian proses pengkiamatan dunia pun bermula ... dan takkan ada hentinya ... dan bermunculanlah berbagai puak ... dan segala macam fitnah huru-hara yang zahir dan yang batin.

Ayohai para hamba ALLAH yang Islam dan yang selainnya... bukalah hatimu, matamu dan akalmu. Janganlah engkau sibuk berfikir dan menyibukkan diri dengan tikus-tikus eksperimen atau lipas-lipas atau ayam-ayam makmal (Kentucky).

Cukuplah sudah apa yang sudah berlaku dan yang masih terus berlaku ke atas kita dari hari ke hari dan tahun demi tahun.

Kejahatan dan salah silap kaum Muslimin dan Muslimat tidak ada hubungkait baik jauh mahu pun dekat dengan agama Islam kita yang termulia, yang agung, yang besar, yang indah mempesona, yang amat



tinggi lagi amat berharga, yang megah terhormat dan diagungkan.

Cukuplah bahawa ALLAH Subhanahu wa Taala telah memilih Islam untuk kita dan meredhoi bahawa ia menjadi agama kita. Alhamdulillah syukur kepada ALLAH.

Agama Islam yang soheh dan yang jelas terang itu sifatnya membina dan tidak meruntuhkan... ia menghidupkan dan tidak membunuh... ia membangun tamadun kemanusiaan dan bukannya meruntuh tamadun.

Tiap manusia perlu kepada Islam yang murni... walau dia tidak memeluknya sekalipun.

Apa sudah kau faham... atau perlu ku jelaskan lebih lagi.



Si Cerdik Faham Dengan Isyarat -6

9 Januari 2015

Kami selaku pendokong Tareqat As-Syaziliyyah antarabangsa yang sunni lagi Islami membantah dengan setegas-tegasnya dan dengan sepenuh makna keingkaran terhadap segala perlakuan yang mencalarai nilai kemanusiaan dan masyarakat madani seperti meletup bom, membakar, pembunuhan dan yang seumpamanya tak kira di mana saja di pelusuk muka bumi manusia.

Manusia wajib dihargai dan dihormati tidak kira apa agama anutannya, pasportnya, warna kulitnya, pangkatnya, keluarganya dan asetnya.

Wajib bagi kita kembali dan mengkaji semula segala etika, akhlak, dasar dan nilai-nilai kemanusiaan sebelum segala tindakan dan selepasnya. Kerana pengalaman hidup berbagai umat dan bangsa senantiasia mengingatkan kita bahawa : “Siapa yang menzalimi

akan dizalimi jua apabila sampai masanya"... Kezaliman adalah kezaliman tidak kira walau apa warnanya.

Suatu umat yang tidak melakukan kezaliman dan tidak menyertai kerja-kerja penzaliman adalah umat yang akan kekal, abadi dan lestari... sejarah telah membuktikannya. Inilah kenyataan yang diketahui oleh siapa saja yang pada dirinya masih ada kemanusiaan dan sifat-sifat manusiawi yang tab'i.

Tiap komuniti/masyarakat manusia yang jaya, maju dan berkembang adalah kerana satu-satunya faktor ini yaitu berpegang teguhnya masyarakat itu dengan akhlak manusiawi seperti keadilan dalam masyarakat, kesama rataan, persaudaraan, menjaga kebajikan masyarakat dan banyak lagi. Mereka memperjuangkan kemanusiaan lalu ALLAH pun memenangkan mereka dan mereka mengetahui hakikat ini atau mereka tidak mengetahuinya... tidak kira apa agama dan kepercayaan mereka.

Dari satu sisi yang lain pula :

Kami yang bernisbah kepada ahli zikir dan fikir... sama sekali tidak percaya, tidak beriman, tidak bersaksi dan tidak beriktihad bahawa kaum Muslimin dan Muslimat telah menjadi binatang buas... menjadi lebih ganas dari haiwan liar... sama sekali kami tidak percaya dengan permainan kotor dan polusi politik talam dua muka, badan-badan perisikan dunia yang bias lagi prejudis dan yang bermain sukan di padang manusia-manusia

sinting serta menempel segala apa yang berlaku dan yang dilakukan ke atas orang Islam dan mengaitkannya dengan Islam.

Tidak... kami seribu milyar dan milion kali tidak mempercayai semua itu... tidak, tidak dan tidak.

Agama Islam melahirkan manusia-manusia Islam... yang bersikap penyayang dan berkasih sayang dengan semua pihak, berkerjasama, bertolak ansur, produktif, berperadaban, bersih dan segala sifat yang bercitarasa tinggi pada keindahan dan kesempurnaan. Adapun orang-orang buas itu tiada kena mengenanya mereka dengan Islam, bahkan mereka merupakan hasil produksi ... yang dikilang di makmal-makmal khas ... yang diadun dengan bahan-bahan makmal segala bagi... dan Islam mereka itu hanya pada namanya saja tidak lebih dari itu.

Lagi sudah benarlah seperti yang telah disabdakan oleh Baginda junjungan As-Sodiq Al-Masduq صلى الله عليه وسلم dalam hadisnya : "...akan berlaku bahawa Islam itu hanya akan tinggal namanya dan Al-Quran hanya akan tinggal tulisannya".

Lalu apakah kita sudah memahami ayohai tuan-puan Muslimin dan Muslimat.Wallahi kalaulah kaum Muslimin dan Muslimat sekarang tahu apa itu Islam nescaya mereka akan mati dek kerna malu dengan perbuatan mereka di hadapan Tuhan yang Maha Pencipta. Wallahi kalau pihak lain tahu apa itu

Islam nescaya mereka akan menyebarkan dan meratakannya ke seluruh pelusuk dunia walau pun mereka sendiri tidak menganutnya.

Akan tetapi sudah demikian kehendak ALLAH Dzul jalali wal Ikrom ... dan tidaklah akan berlaku melainkan apa yang dikehendaki oleh ALLAH Azza wa Jalla.

(وَيَمْكُرُونَ وَيَمْكُرُ اللَّهُ وَاللَّهُ خَيْرُ الْمَاكِرِينَ).

“Dan mereka melakukan makar, ALLAH juga melakukan makar dan ALLAH jauhlah sebaik-baik pembuat makar”.



Si Cerdik Faham Dengan Isyarat -7

10 Januari 2015

Kalimat “Al-Labib” (si cerdik) berasal dari kata dasar “Al-Lubb” yang bererti intisari... dalam Bahasa Arab kalimat al-lubb yang merujuk kepada dasar hati Hati yang hidup dengan zikrullah sebanyak-banyaknya ... ia juga dinamakan “Al-Basiroh” yang ertinya dalam Bahasa Melayu pandangan hati.

Adapun jika pandangan itu dari mata kasar maka namanya “Al-Basor” atau “Al-Absor” ... dan mata kasar melihat malam, zulmat, siang dan cahaya. Apabila pandangan hati zahir jadilah pandangan itu dinamakan “Al-Basiroh”... maka orang labib = cerdik adalah ahli basiroh (ahli pandangan hati) yang hanya melihat siang dan cahaya ... sama sekali dia tidak melihat malam dan zulmat.

Telah bersabda Baginda junjungan Saiyidina wa Maulana Nabi صلى الله عليه وسلم :

اذْكُرُوا مَحَاسِنَ مَوْتَاكُمْ وَكُفُّوا عَن مَّسَاوِيهِمْ

“Sebutkanlah kebaikan mereka yang telah mati di kalanganmu dan tahanlah dirimu dari menyebut keburukan mereka”.

Yang kita ini tidak menyebut melainkan kejahatan mereka... itu kenapa ????

Adakah siapa yang di antara kita diam sejenak memikirkan perkara ini mengapa ????

Robbuna berfirman dalam kitabNya yang mulia :

(كُلَّمَا دَخَلَتْ أُمَّةٌ لَعَنَتْ أُخْتَهَا)

“Tiap masuknya satu umat (kelompok) ke dalam neraka nescaya ia melaknat umat lain yang saudaranya juga”.

Tiap datang orang baru... yang sepatutnya dia sibuk membina dan menyempurnakan apa yang telah dimulakan oleh orangterdahulu, ternyata kesibukannya yang sungguh-sungguh sekarang ialah meruntuhkan yang lama... menempel segala macam tohmahan soheh dan dusta terhadap yang lama dan orang terdahulu serta menyibuk dan menggalakkan umat untuk mengkafirkan mereka yang terdahulu, mengecap mereka sebagai pengkhianat dan menyingkap aurat kelemahan serta membongkar hubungan sulit dan curian yang mereka lalukan dan dan banyak lagi.

Seolah-olahnya si orang baru ini lupa pepatah orang tua :

كما تدين تدان

“Sepertimana sikap perbuatanmu... begitulah yang akan dilakukan ke atasmu”.

Segala yang sedang engkau lakukan sekarang terhadap yang lama dan orang dahulu ... akan dilakukan ke atasmu di masa depan yang mendatang sama seperti perbuatanmu sekarang dan bahkan lebih dari itu.

Dunia ini bulat berputar dan sifatnya pergiliran... ia takkan kekal, takkan baqa dan tak dimiliki oleh sesiapa ... melainkan ALLAH.

(لَمَنْ الْمُلْكُ الْيَوْمَ لِلَّهِ الْوَاحِدِ الْقَهَّارِ).

“Bagi siapakah kekuasaan pada hari ini?! Bagi ALLAH yang Maha Esa lagi Maha Perkasa”.



Marilah Saling Berta`aruf & Bekerjasama -1

23 September 2013

Pihak MUSUH telah mengerah sepenuh tenaga -dan terus menerus- untuk menghancurkan Islam!!!!!!

Kita pulak; apa yang telah dan yang sedang kita kerahkan untuk membina atau sebut saja untuk menjaga kelestarian “Sesungguhnya agama yang benar di sisi ALLAH adalah Islam”.....????....



Marilah Saling Berta`aruf & Bekerjasama -2

23 September 2013

Pihak MUSUH telah mengerah sepenuh tenaga -dan terus mengerahnya- untuk menghancurkan akhlak dan adab!!!!!!!

Kita pulak; apa yang telah dan yang sedang kita kerahkan untuk berpegang teguh dan menjaga akhlak baik, makarimul akhlak dan adab.....????....



Marilah Saling Berta`aruf & Bekerjasama -3

23 September 2013

Pihak MUSUH telah mengerah sepenuh tenaga -dan terus mengerahnya- untuk merekacipta agama baru dan kiblat baru!!!! (atas nama organisasi dan gerakan Islam yang amat banyaknya)

Agama baru ini = Islam Politik = yang tiada sangkut pautnya baik dari dekat mahu pun jauh dengan agama Islam yang agung, yang mulia, yang santun, yang besar dan yang luas yang didatangkan oleh Saiyidina wa Maulana Muhammad صلى الله عليه وسلم.

Kita pulak; apa yang telah dan yang sedang kita kerahkan untuk menyebarkan agama Islam yang soheh, jelas, terang, indah, dapat diterima, disambut dan dicintai.....????....

Tak malukah kita kepada ALLAH Subhanahu wa Taala
Tak malukah kita kepada Saiyidina wa Maulana Muhammad صلى الله عليه وسلم



Tak malukah kita kepada kaum mukminin

Apa yang telah kita persembahkan????..... Apa yang akan kita persembahkan????..

Allahumma Robbana maafkanlah kami, maafkanlah kami, maafkanlah kami... Allahumma amin.



Marilah Saling Berta`aruf & Bekerjasama -4

23 September 2013

Pihak MUSUH telah mengerah tenaga demi tenaga dengan semaksimanya, mereka membelanjakan harta dan menggadai nyawa mereka demi untuk merosak dan menghitamkan imej para junjungan sufi Islam yang sunni.... (Setiap umat ada golongan pilihannya... dan golongan pilihan umat ini adalah As-Sufiyyah)... mereka terus mengerah tenaga dan mengeluarkan belanja... dan terus berdusta serta mereka-reka cerita dan berita.

Yang kita ni pulak; golongan sufi dan para khadam kepada khadam junjungan As-Sufiyyah... apa yang telah kita kerahkan dan sedang kita kerahkan untuk mengkoreksi berbagai kefahaman... untuk membela ahli zikir dan zakirin... untuk mempertahankan ahli maqam-maqam iman dan ihsan... untuk menzahirkan ahli makarimul akhlak.

Wajiblah bagi kita untuk bergerak di jalan yang jelas, yang soheh, yang terang yang telah dipelankan dan disediakan untuk kita oleh para masyaikh kita yang kamil -moga ALLAH meredhoi mereka sekalian-.

Masing-masing dipersilakan untuk mencedok dari masyrab dan tarekatnya tanpa perlu membangkang dan mengingkari orang lain...

Bukannya menempuh jalan yang pihak MUSUH mahu kita melaluinya... fahamilah nescaya engkau jaya ya saiyidi.

Para junjungan As-Sufiyyah adalah ahli tarbiyyah di bidang kerohanian, jasmani, akal, hati pada riwayat dan dirayah serta pada manqul dan ma`qul.

Wajiblah atas kita untuk maju berpindah dari posisi mempertahankan hak-hak kita kepada posisi menyerang balas dengan cara menzahirkan kemurnian kita, keluhuran jiwa kita, adab kita, kebaikan akhlak kita, kepemurahan kita melayan tetamu, serta takzim dan belas kasihan kita kepada semua makhluk ciptaan Allah...

Kerana zaman berubah... mode manusia telah keruh... hati mereka sudah berbagai warna... dan akal mereka sudah sakit...

Wala hawla wala quwwata illa billahil 'aliyyil 'azhim... lalu apakah kita akan bergerak sebelum kita nak mati ni ????



Marilah Saling Berta`aruf & Bekerjasama -5

23 September 2013

Di pihak pelampau yang lain mereka menghabiskan masa, tenaga, wang ringgit dan menggadai nyawa untuk menjadikan dunia moden memperhina, membenci dan merasa fobia kepada orang-orang Islam lelaki dan perempuan...

Ini telah sampai ke tahap di mana kita sendiri selaku kaum Muslimin lari... dan tidak percaya kepada sesama Muslimin....

bahkan sesama Muslimin saling hina menghina...

serta berbagai macam lagi fobia dan salah sangka...

Yang kita ni pulak; kaum Muslimin dan Muslimat... apa yang telah kita kerahkan dan apa yang sedang kita kerah untuk membuktikan bahawa yang berlaku ini semuanya adalah konspirasi untuk menghancurkan Islam melalui manusia-manusia yang mengaku Islam dan mereka yang menjadi alat kepada pihak musuh...

Bila kita nak sedar dan bangkit dari tidur, bila lagi kita nak bergerak dan aktif, bila lagi kita nak mengkoreksi dan bercakap, bila lagi kita nak menzahirkan kebaikan dan keindahan agama Islam yang soheh, terang dan jelas ini?!

Contoh:

Mampukah kita travel ke Eropah dan Amerika dengan memakai pakaian tradisi kebangsaan kita yang Islamik? Kita takut dan kita takut!!!... Kita gentar?... Kita malu?... Yang akan kita lakukan ialah memakai pakaian mereka, makan makanan mereka dan boleh jadi sampai minum minuman mereka.

Inikah yang dinamakan tamadun???

Kita mengalah terhadap segalanya kerana kita lemah kita jadi pak turut kepada yang kuat dan yang punya kuasa pada segalanya.

Untuk makluman semua:

ALLAH Subhanahu wa Taala itu antara asma'Nya yang husna adalah Al-Qawiy = Yang Maha Kuat. Jadi wajiblah kita ikut ALLAH Yang Maha Kuat, Maha Benar dan Maha Jelas.

Renungilah betapa keras dan terangnya teguran dan dalam masa yang sama teguran itu juga berlapis dari ALLAH Al-Haqq Subhanahu wa Taala:

(وَتَخْشَى النَّاسَ وَاللَّهَ أَحَقُّ أَنْ تَخْشَاهُ)

“...Kamu takut manusia sedangkan ALLAH yang lebih berhak untuk kamu takuti Dia...” Al-Ahzab: 37

Tidak patutkah kita sedar lalu menangis dan menangis... dan sesal atas keterlanjuran kita pada ALLAH Azza wa Jalla...

Allahumma Robbana

(رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً
إِنَّكَ أَنْتَ الْوَهَّابُ)

*“Robbana janganlah Engkau gelincirkan hati kami setelah Engkau beri kami hidayah, sesungguhnya Engkaulah Tuhan yang Maha Memberi Kurnia”
Aali `Imran: 8*



Alangkah baiknya Kalau...

21 Februari 2013

Bismillah, Masya ALLAH, La quwwata illa billah. Alangkah baiknya.. alangkah baiknya dan alangkah baiknya jika kaum muslimin mengadakan persidangan tahunan selama seminggu mengenai Saiyidina wa Maulana Muhammad Rasulullah صلى الله عليه وسلم dalam tiap aspek kehidupan Baginda; dari kelahiran hinggalah akhir hayat Baginda صلى الله عليه وسلم. Kerana Bagindalah صلى الله عليه وسلم asal kewujudan ini lagi faktor kepada tiap yang diwujudkan. Molek benar kalau persidangan itu dikaitkan juga dengan segala isu, bencana, pergelutan dan fitnah yang berlaku waktu ini dan pada umur umat ini.

Dan alangkah baiknya jika para ahli zikir dan pengamal zikir dari berbagai madrasah dan tareqat sufi Islami yang Sunni dapat mengadakan konferensi tahunan selama seminggu bagi memperkenalkan masyaikh dan ahli sanad mereka. Contohnya Tareqat Al-Syaziliyyah memperkenalkan Saiyidina Abul Hasan

As-Syazili, atau tentang mahagurunya yang menjadi tujuan orang dahaga Saiyidina Abdus Salam bin Masyish, Tareqat Al-Qadiriyyah memperkenalkan Saiyidina Abdul Qadir Al-Jailani, Tareqat An-Naqsyabandiyyah memperkenalkan Saiyidina Baha'uddin Naqsyaband, Tareqat Tijaniyyah memperkenalkan Saiyidina Ahmad At-Tijani... begitu juga dengan Tareqat Al-Khalwatiyyah, Tareqat Al-Bakriyyah, Tareqat Al-'Alawiyyah, Tarekat As-Sammaniyyah dan berbagai lagi madrasah tareqat dengan usul dan cabangnya masing-masing memperkenalkan para junjungan kita yaitu masyaikh mereka -moga ALLAH meredhoi mereka sekalian dan memberi kita kemanfaatan mereka-... Allahumma amin.

Lihat dan dengarlah tuan-tuan sekalian, belajarlah dari organisasi Islam antarabangsa An-Nur yang berpusat di Turki (Nurji) dan syeikh pengasasnya yaitu Sidi Badi'uzzaman. Organisasi An-Nur mengadakan konferensi tahunan mengenai syeikh mereka di ibukota-ibukota negara Islam. Tahun lepas di Malaysia dan sedang berlangsung sekarang di Mesir, di Universiti Al-Azhar yang sedang cedera parah.


Tahniah dan keberkatan diucapkan buat tuan-tuan para jamaah An-Nur kerana mengkhidmati warisan peninggalan syeikh pengasasnya.

Cuma saya punya satu nasihat kepada tuan-tuan... saya yang dhaif dan jahil ini, sedangkan tuan-tuan

semua tokoh-tokoh besar yang berjaya, terorganisasi dengan baik dan tertib di madrasah dan yayasan jemaah tuan-tuan yang tersebar di seluruh dunia... saya mohon tuan-tuan jemaah An-Nur agar turut membantu pihak lain dan ajarkanlah juga mereka. Janganlah bersikap fanatik hanya kepada syeikh tuan-tuan saja, janganlah seluruh muktamar dari awal ke akhir hanya berkenaan syeikh tuan-tuan saja.

Saya harap tuan-tuan turut membuka peluang penyertaan kepada semua tareqat sufi untuk berbicara tentang masyaikh mereka... jika tuan-tuan tidak dapat menerimanya maka saya harap tuan-tuan dapat mengatur dan menjayakan persidangan tahunan (kerana tuan-tuan punya segala kemampuan untuk melakukannya) mengenai penghulu sekalian manusia, penghulu anak keturunan Saiyidina Adam... Nabi terulung, Rasul teragung dan sanad termulia صلى الله عليه وسلم.

Ya Saiyidana ya RasulALLAH izinkanlah kami untuk merealisasikan... kami mengharap padamu... kami masuk mengajukan permohonan ini kepadamu ya Saiyidana melalui Saiyidina Abu Bakr, Saiyidina Omar, Saiyidina Othman, Saiyidina Ali dan baki sepuluh sahabat yang dijamin syurga, dan dengan seluruh Ahlul Baitmu, seluruh sahabatmu, dan isteri-isterimu yang suci, dan seluruh masyaikh yang kamil, dan ahli seluruh hadrah, seluruh sahabat ahli Badar.



Lagi demi hak mereka yang meminta kepadamu ya ALLAH kami pohonkan agar engkau menjadikan kami sekalian -ya Robbi ya Robbana jami`an- dari kalangan yang makbul dan engkau sudi meredhoi kami sekalian ya ALLAH. Allahumma amin, amin, amin, amin.



Umat Terbaik

12 November 2012

Tuan-puan yang terhormat kalangan insan waras dan para pemikir umat

كُنتُمْ خَيْرَ أُمَّةٍ أُخْرِجَتْ لِلنَّاسِ

..... umat sebaik-baiknya yang telah dikeluarkan di kalangan manusia...

Assalamualaikum warahmatullahi wabarakatuh.

Yang berikut tadi merupakan ayat ke 35 dari Surah Al-Ahzab dalam Al-Quranul Karim. Renungilah sepuluh macam tingkatan dalam umat dari kalangan lelaki dan wanita; ini merupakan kurniaan besar lagi luas walhamdulillah Robbil Alamin. Setiap golongan yang sepuluh itu telah ALLAH sediakan bagi mereka maghfirah dan ganjaran yang agung.

Yang dimaksudkan di sini ialah tuan-puan boleh saja menganggotai mana-mana dari sepuluh golongan itu

dan dalam masa yang sama tidak semestinya memenuhi kesemua sepuluh kriteria, sifat dan kedudukan mereka.

Bertitik tolak dari kenyataan ini para junjungan ahli tafsir dan ‘arifin billah -moga ALLAH meredhoi mereka sekalian- telah mengungkap satu kesimpulan yang amat indah dan halus; bahawa setiap satu dari sepuluh tingkatan ini masing-masing memiliki kemampuan, kefahaman, kudrat dan kebolehan untuk menyerap yang tersendiri di tahap mereka dan tidak mungkin bagi kita menuntut mereka untuk memiliki kesemua kriteria yang ada pada sepuluh tingkatan itu.

Kerana inilah Saiyidina wa Maulana Muhammad صلى الله عليه وسلم telah menyampaikan bicara Baginda kepada tiap tingkatan tadi dengan syariat yang sesuai untuk mereka, dengan amalan yang mampu mereka kerjakan dan dengan ibadat yang mereka sukai.

Di sinilah masalahnya bilamana kita tidak faham dan tidak mempraktis dasar

كُلُّ مَيْسَرٍ لِّمَا خُلِقَ لَهُ.

Setiap orang dipermudahkan untuk mengerjakan apa yang kerananya dia diciptakan ALLAH”

...dan dasar

خَاطِبِ النَّاسِ عَلَى قَدْرِ عُقُولِهِمْ.

Berbicaralah kepada manusia dengan kadar kemampuan akal mereka”.

Moga tuan-puan sekalian memahami maksud kata-kata saya; jangan mencampuri orang-orang tolol pada isu-isu umat dan jangan menimbulkan isu-isu khilafiyyah kepada golongan awam kalangan umat.

إِنَّ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ
وَالْقَانِتِينَ وَالْقَانِتَاتِ وَالصَّادِقِينَ وَالصَّادِقَاتِ وَالصَّابِرِينَ
وَالصَّابِرَاتِ وَالْخَاشِعِينَ وَالْخَاشِعَاتِ وَالْمُتَصَدِّقِينَ
وَالْمُتَصَدِّقَاتِ وَالصَّائِمِينَ وَالصَّائِمَاتِ وَالْحَافِظِينَ
فُرُوجَهُمْ وَالْحَافِظَاتِ وَالذَّاكِرِينَ اللَّهَ كَثِيرًا وَالذَّاكِرَاتِ
أَعَدَّ اللَّهُ لَهُمْ مَغْفِرَةً وَأَجْرًا عَظِيمًا.

Sesungguhnya orang-orang lelaki yang Islam serta orang-orang perempuan yang Islam, dan orang-orang lelaki yang beriman serta orang-orang perempuan yang beriman, dan orang-orang lelaki yang taat serta orang-orang perempuan yang taat, dan orang-orang lelaki yang benar serta orang-orang perempuan yang benar, dan orang-orang lelaki yang sabar serta orang-orang perempuan yang sabar, dan orang-orang lelaki yang merendahkan diri (kepada ALLAH) serta orang-orang perempuan yang merendahkan

diri (kepada ALLAH), dan orang-orang lelaki yang bersedekah serta orang-orang perempuan Yang bersedekah, dan orang-orang lelaki yang berpuasa serta orang-orang perempuan yang berpuasa, dan orang-orang lelaki yang memelihara kehormatannya serta orang-orang perempuan yang memelihara kehormatannya, dan orang-orang lelaki yang berzikir menyebut nama ALLAH banyak-banyak serta orang-orang perempuan yang berzikir menyebut nama ALLAH banyak-banyak, ALLAH telah menyediakan bagi mereka semuanya keampunan dan pahala yang besar” - Al-Ahzaab: 35



Allahumma Robbana...

10 November 2013

Allahumma Robbana peliharalah kami dari segala kejahatan dan fitnah, peliharalah kami dari warga kejahatan, warga keburukan dan warga fitnah... ya ALLAH Tuhan kami... demi jaah Saiyidina wa Maulana Muhammad صلى الله عليه وسلم.



Sekularisme...

12 November 2013

Takjub aku... dan rasanya ramai juga orang lain yang takjub !!!!!
SEKULARISME ????

Dulu orang kata... sampai sekarang pun orang masih terus berkata bahawa takrif SEKULARISME = tiada agama... tak berpegang kepada agama.

Sedangkan realitinya... yang nyata dilihatnya... pengalaman dan eksperimennya jelas memberitahu bahawa

SEKULARISME = memerangi agama Islam yang benar jelas lagi hakiki dengan segala cara yang mungkin dan tidak mungkin... dengan semua jalan yang terang, secara bersemuka dan langsung... juga secara dalam, secara jalan gelap dan secara tidak langsung...

Hai segala orang berakal di muka bumi... apakah keadaan ini masuk akal... dapat diterima... dan boleh

dibiarkan terjadi...

Terjadinya itu semua demi kerana syahwat kebinatangan dan kecenderungan menjadi syaitan pada

=== HARTA === PEREMPUAN === ARAK

Tiada agama : bererti ... tiada akhlak, tiada citarasa dan tiada adab... tidak ada kayu ukur... tidak ada prinsip... dan tidak ada nilai.

Kalau sudah begitu maka dimanakah insan ???
Bahkan dimanakah kemanusiaan ???


Yang ada hanya kacau bilau, kerosakan dan penghancuran, keganasan, fitnah pancaroba, tidak wujudnya keadilan, tiada bau kesamarataan dan tidak bermaknanya perkongsian.

Tidak patutkah kita untuk menghentikan pembohongan ini... bahkan menghentikan sikap menerima dan percaya kepada syiar-syiar pembohongan.

Kamu nak jadi secular = dipersilakan tanpa menyakiti sesiapa... tidak kita siapakah sesiapa itu

Tapi kamu memerangi Islam kami, iman kami dan ihsan kami = Tidak dan seribu milyar milion tidak... tidak... tidak.

Kerana secara mudahnya engkau wahai sang sekularis tidak punya apa-apa hak untuk melakukan itu.



Lalu sudahkah kau mengerti dan menerima... dan boleh jadi ALLAH Subhanahu wa Taala akan memberi hidayah padamu.

Jangan kau lupa pula bahawa bumi telah enggan dari menerima tokoh-tokoh besar sekular dari dikebumikan di perutnya... itu menjadi peristiwa besar yang memalukan dirinya, para pengikutnya dan kaum keluarganya.

Peristiwa serupa ini telah banyak berlaku dan sejarah adalah sebaik-baik saksinya, semuanya tercatat dan ada dalam rekod... bagi mereka yang membaca, mengambil iktibar dan pengajaran.



Bukan Engkau... Tapi DIA! -1

27 September 2013

SubhanALLAH Maha Suci ALLAH atas keagungan ALLAH Subhanahu wa Taala:

(وَيَمْكُرُونَ وَيَمْكُرُ اللَّهُ وَاللَّهُ خَيْرُ الْمَاكِرِينَ)

“Mereka mebuat makar dan ALLAH mebuat makar... dan ALLAH jualah sebaik-baik yang mebuat makar” Al-Anfal: 30

Semua wakil dari negara-negara Islam yang bersidang di Rabithah (Rabithah Al-` Alam Al-Islami) dan Majma' -saya tak tahu entah macam mana... saya juga juga tak tahu mengapa- pada permulaannya sebulat suara menyetujui hukum nikah *misyar*.

Sidang pembaca sekalian tahukan apa itu nikah *misyar*... apakah ia berasal-usul dari Bahasa Arab??

Selepas itu bermunculan pula berbagai nama lain yang tersebar dan merebak dengan maraknya... seperti

maraknya api di hutan kering.

1- Nikah *as-safar @ al-isfar @ al-misfar* (nikah hanya masa musafir)

2- Nikah *al-bi'tsah ad-dirosiyyah* (nikah hanya masa belajar di luar negara)

3- Nikah '*uthlah al-usbu*' (nikah hanya masa cuti hujung minggu)

4- Nikah *al-'uthlah as-soyfiyyah* (nikah hanya masa cuti musim panas)

dan lain-lain lagi.

Bahkan sekarang muncul pula jihadun nikah atau nikah al-jihad... dan tidaklah ini semua melainkan nasib celaka, contengan arang di muka, kehancuran, kebinasan negeri dan tanah air atas umat Islam.

Masalahnya ialah tiada siapa pun yang bersuara, tiada siapa menyatakan bantahan dan tiada siapa mengingkari... semuanya telah setuju dan berkeadaan menyetujui.

Sikap diam terhadap hal dan keadaan sebegini pula bererti setuju *wal'iyadzu billah...* kami berlindung kepada ALLAH dari kejahatan nafsu kami dan kebobrokan amalan kami.

Allahumma Robbana, sesungguhnya aku mengingkari itu semua dengan hatiku dan yang demikian itu adalah sedhaif-dhaif iman.

Sungguh telah benarlah Robbuna wa Habibuna wa Maulana ALLAH yang Maha Agung yang berfirman dalam kitabNya yang diturunkan kepada hati kekasihNya yang dimuliakan Saiyidina wa Maulana Muhammad صلى الله عليه وسلم:

(الْأَعْرَابُ أَشَدُّ كُفْرًا وَنِفَاقًا وَأَجْدَرُ أَلَّا يَعْلَمُوا حُدُودَ مَا
أَنْزَلَ اللَّهُ عَلَى رَسُولِهِ وَاللَّهُ عَلِيمٌ حَكِيمٌ)

orang-orang A'raab itu terlebih teruk kufurnya dan sikap munafiknya, dan sangatlah patut mereka itu tidak mengetahui batas-batas (hukum-hakam) yang diturunkan oleh ALLAH kepada RasulNya. Dan (ingatlah) ALLAH Maha Mengetahui, lagi Maha Bijaksana” At-Taubah: 97

Nota:

Orang-orang A'raab adalah setiap peribadi atau kumpulan manusia yang mengingkari, membangkang, menuduh, merendah-rendahkan, memerangi dan melawan Saiyidina wa Maulana Muhammad صلى الله عليه وسلم. Mereka wujud di tiap zaman dan tempat dan mereka dari berbagai kewarganegaraan... di masa ini keberadaan mereka adalah lebih tersebar dan dalam skala yang lebih luas... di dada mereka ada penyakit yang tak dapat disembuhkan yaitu kebencian dan kesumat terhadap Saiyidina wa Maulana Muhammad صلى الله عليه وسلم, para sahabat Baginda dan Ahlil Baitnya.



Makar Orang Bakhil

9 Oktober 2014

Saya berkenalan dengan seorang lelaki di sebuah negeri di bumi Tuhan.

Kami pun bersembang itu ini sampailah ke satu titik lalu dia bercerita kepada saya :


Lihat... Apabila saya membawa keluarga ke pasar, ke mall, ke super market atau ke kedai khas menjual hidangan dan barang makanan... Apa yang saya lakukan ????

Manusia ini berkata :

Pertama-tama sekali sebelum keluar membeli belah saya himpun semua satu keluarga saya untuk makan sehingga mereka kenyang. Kemudian baru saya bawa mereka membeli belah.

Saya tanya mengapa ????

Dia jawab : Kalau saya bawa mereka dalam keadaan lapar... segalanya mereka akan ambil... dan kebanyakan



barang yang mereka ambil itu tak diperlukan. Di kaunter pembayaran banyaklah yang nak kena bayar.

Tapi kalau saya bawa mereka dalam keadaan perut mereka penuh

mereka takkan ambil parang melainkan yang perlu dan yang benar-benar perlu saja

nanti di kaunter pembayaran saya Cuma perlu bayar sedikit dan minimal.

Dengan cara ini saya menjaga fulus saya dari belanja berlebih-lebihan.

Saya mengujar kepadanya : Masya ALLAH.



Jiran

11 Jun 2013

Duhai alangkah baiknya kalau resam akhlak sebegini ada di tanah air kita... Di belahan bumi Tuhan yang lain kalau seseorang mahu mengubah/merenovasi sesuatu di rumah atau di apartmentnya dia akan terlebih dahulu mendapatkan persetujuan dan izin dari jiran sebelah rumah dan jiran-jirannya yang lain.

Dia akan memaklumkan terlebih dahulu... dan boleh saja jika tidak setuju jiran-jiran akan menyatakan bantahan.

Aduhai ya Salam indahnya sikap dan keadaan yang baik seperti ini... ini saya sendiri pernah mengalaminya.

Walhal inilah yang telah disampaikan oleh Saiyidina wa Maulana Muhammad صلى الله عليه وسلم kepada umat Islam namun orang lain pula yang menerima pakainya:

(ما زال جبريل يوصيني بالجار حتى ظننت أنه سيورثه).

“Jibril terus mewasiatiku berkenaan jiran hingga aku menyangka bahawa jiran akan mewarisi peninggalan jirannya”. Riwayat Saiyidina Al-Bukhori dan Saiyidina Muslim رضي الله عنهما.

Lagi telah bersabda junjungan Saiyidina wa Maulana Muhammad صلى الله عليه وسلم kepada Saiyidina Abu Dzar رضي الله عنه:

(يا أبا ذر إذا طبخت مرقة، فأكثر ماءها وتعاهد جيرانك)

“Wahai Abu Dzar! Jika engkau masak lauk maka banyakkkanlah kuahnya dan berilah kepada jiran-jiranmu”. Riwayat Saiyidina Al-Imam Muslim رضي الله عنه وأرضاه.

...Dalam satu riwayat lain hadis ini bersambung:

ثم انظر أهل بيت من جيرانك فأصحبهم منها بمعروف.

“...kemudian engkau perhatikanlah ahli rumah jiran-jiranmu lalu berilah kebaikan kepada mereka (dari makananmu itu)”.

Lagi sabda junjungan Saiyidina wa Maulana Muhammad صلى الله عليه وسلم:

(من كان يؤمن بالله واليوم الآخر فلا يؤذ جاره).

“Barangsiapa yang beriman dengan ALLAH

dan hari Akhirat maka janganlah dia menyakiti jirannya". Riwayat Al-Imam Bukhari رضي الله عنه.

Lagi sabda junjungan Saiyidina wa Maulana Muhammad صلى الله عليه وسلم:

(من كان يؤمن بالله واليوم الآخر فليحسن إلى جاره) .

"Barangsiapa yang beriman dengan ALLAH dan hari Akhirat maka hendaklah dia berbuat ihsan kepada jirannya". Riwayat Saiyidina Al-Imam Ibnu Majah رضي الله عنه.

Wahai umat! Masih ada lagikah pada kita -yang mengaku muslimin diri masing-masing ini- masih ada lagikah pada kita saki baki dari muamalah sebegini....

Hamba ALLAH/Mahmoud MrGlani

(Khadam Gurunya)



Akhir Zaman -1

8 Mac 2014

Semua orang memberi perhatian kepada politik dan berita mutakhir
Sedikit amat yang mengambil berat tentang ilmu, ulama, adab dan akhlak.

Contoh :

Tak siapa peduli dan tak melihat sikap ini sebagai salah; kawan cakap dia nak datang lagi lima minit

kemudian dia pun sampai selepas sejam, dua jam atau tiga jam...

atau di detik terakhir dia minta maaf tak dapat hadir...

atau dia tak peduli untuk minta maaf...dan dia juga tidak hadir.

Mengapalah kita tak tahu dan tidak belajar adab terlebih dahulu... kemudian barulah kita bercakap tentang perkara-perkara lain.



Akhir Zaman -2

8 Mac 2014

Saya tak kata apakah rokok itu haram atau halal, tapi rokok adalah najis, najis dengan sepenuh makna kalimat ini dan amat menyakiti orang lain. Kenapa bila “kita” menghisap rokok... kita tak peduli orang lain... seolah-olah mereka tiada apa-apa hak.

Sama sepertimu wahai sang penghisap yang mengira dirimu bebas merokok tidak kira masa dan tempat... macam tu jugalah dengan orang lain, mereka pun punya hak... mereka sama sekali tidak mahu bau rokok.

Saya telah menemani Sidna Syeikh dalam satu lawatan beliau di Turki, kami masuk ke satu kota untuk berziarah kepada penduduk di situ. Seorang lelaki yang bapanya adalah syeikh besar di kota itu berkata kepada saya: “Sumpah demi ALLAH aku takkan merokok selagi Syeikh kamu tak meninggalkan kota ini... sebab bagaimana mungkin aku menyalami beliau dan duduk



di majlis beliau kalau aku bergelumang dalam bau najis (rokok) ini?!”

Ada seorang kawan saya ahli makar dan perokok, dia beritahu saya: “Supaya isteri saya tak rasa tersinggung apabila saya merokok maka saya pun ajar dia dan galakkan dia merokok...”

Ayohai siapa yang berakal... dengan warasnya apakah kita menerima yang demikian itu?!



Akhir Zaman -3

9 Mac 2014

Saya tak tahu mengapa kita bersikap tak peduli terhadap fenomena jahat yang kita tak suka kalau berlaku pada keluarga sendiri... err, maaf... boleh jadi ada kalangan kita yang menerima perkara itu kalau berlaku pada ahli keluarganya ketika menjadi penumpang bas, LRT, pesawat,...

Kita tak peduli (tak rasa salah) duduk di sebelah gadis dan wanita... peha bertemu peha... bahu bertemu bahu.

Apakah perasaan manusiawi... fitrah murni jiwa... semangat keislaman sudah mati dari diri kita... ..

Ok... ini berlaku dengan meluas dan rata di seluruh dunia Islam... dilakukan oleh mereka yang tak kesah dosa pahala... dan pintu taubat masih lagi terbuka... Alhamdulillah syukur pada ALLAH.

Sakitnya tambah pedih terasa bila melihat itu dilakukan oleh orang-orang yang mengaku dirinya

Islam... atau... pengikut Baginda junjungan dan
pecinta Saiyidina wa Maulana Muhammad Rasulullah
ﷺ.

Awak redho anak gadis awak, atau adik perempuan
awak atau isteri awak duduk dengan lelaki ajnabi...
bahu bertemu bahu... di mana-mana tempat di dunia?

Kalau awak tak redho... macam tu jugalah orang
lain pun tak redho... jadi mahu tak kita sedar... dan
berjaga-jaga terhadap perbuatan yang tidak manusiawi
ini...

Dan tak mahukah kita berhenti..?? Lalu kembali
menyemai rasa cemburu, malu dan tata krama dalam
hati agar kita mendekatkan diri kepada ALLAH
Subhanahu wa Taala.



Akhir Zaman -4

11 Mac 2014

Masalah besar yang tidak manusiawi... pasangan kekasih... dua sejoli... duduk bersama bagai suami isteri... tapi kahwin belum lagi

Atau lebih popular di seluruh duniadengan panggilan yang semua orang tahu (Boy Friend) = (Girl Friend)

Sakitnya bertambah-tambah dan ia diterima pakai dalam tiap peringkat masyarakat...

kecuali bagi yang mendapat rahmat Tuhan

Sampai ke tahap emak ayah dengan bangganya memperkenalkan kepada keluarga dan rakan-rakan ini boyfriend/girlfriend anak saya

Entah macam mana perkara ini jadi normal dan tak dibantah oleh siapa pun... bahkan orang pun tak peduli langsung

hatta merebaklah virus perosak yang kotor lagi pemusnah ini dan masuk ke dalam tiap rumah dengan sebebaskan-bebasnya...

...dan jadilah orang yang menolaknya dianggap sebagai mundur dan tak faham keperluan pemuda-pemudi.


Turunlah ke pusat-pusat membeli-belah dan lihatlah keajaiban... pergilah ke mana-mana airport dan lihatlah pemandangan yang aneh-aneh... segala bagai sampel tentang hubungan dua hala yang tidak berakhlak ini.

Zaman dahulu di England sehingga tahun 1965 masehi tak mungkin bagi seorang perempuan belum berkahwin untuk duduk serumah dengan seorang lelaki selagi kedua-duanya bukan suami isteri melainkan hukuman ke atas lelaki dan perempuan ini -seperti yang saya dengar- ialah tiga tahun penjara.

Sekaranglain;... ada seorang wanita bercerita kepada saya dia pergi umrah dengan (boyfriend)nya menginap sebilik dan tidur sekatil di Mekah Al-Mukarromah dan di Madinah Al-Munawwaroh dengan perbelanjaan dan tanggungan si lelaki... kemudian setelah pulang ke tanah air barulah kedua-duanya kahwin.

Sudah sampai begini beraninya kita merempuh hak-hak ALLAH Subhanahu wa Taala

entah bila kita nak menumbuhkan rasa malu kepada ALLAH dan RasulNya صلى الله عليه وسلم dalam hati kita????



Saya tak tahu kenapa racun pembunuh ini tidak dibicarakan oleh para khatib, penulis, pembaiki masyarakat dan tokoh-tokoh yang waras akal... entah apa yang telah menimpa kita dan mereka.

Macam mana kita boleh menerima fenomena itu sebagai satu kebiasaan dan adat dalam masyarakat kita... mana rasa cemburu kita terhadap anak-anak gadis kita, anak-anak gadis kaum Muslimin, anak-anak bujang kita dan anak-anak bujang kaum Muslimin.

Allahumma Robbana peliharalah kami dan peliharalah aurat kami... Allahumma amin.



Akhir Zaman -5

11 Mac 2014


Kebersihan sebahagian dari iman
Saya tak tahu mengapa orang ramai cuai tentang kebersihan ????

Dan entah kenapa membatunya perasaan dalam soal kebersihan bilik air dan tandas kegunaan awam di masjid, pusat membeli belah, hotel, restoren... dan juga di kediaman sendiri.

Malang sekali kerana sudah jadi budaya... orang melepaskan hajat di tandas dan bilik air... kemudian tak fikir langsung hak pengguna yang selepasnya.

Sakit betul jiwa dan sakitnya makin parah bila pergi nak minum teh atau kopi di kedai... di situ belum lagi melihat tempat kencing sudah terbau aroma najisnya...

...tempat buang airnya sangat dekat... kosong perpuluhan lima atau satu meter saja dari tempat menyediakan teh dan pelbagai jenis minuman.



Entah bilalah kita nak membangkit kembali rasa pentingnya kebersihan setelah hilangnya ia.



Akhir Zaman -6

13 Mac 2014

Hijab??? Niqab ????
adalah dua isu yang tak berhubung kait.
Hijab = melindungi tubuhnya dengan sempurna kecuali wajah dan dua tangan... dengan pakaian yang tidak menzahirkan kecantikan wanita.

Inilah dia hijab dalam ertikata Islam... inilah bentuk pakaian yang digunakan dengan meluas dan sedia diketahui umum di semua negara dunia sejak agama-agama terdahulu hingga sampailah Islam.

Dalam mengertikan hijab jangan kita lakukan seperti burung unta... binatang yang lehernya panjang; apabila mahu bersembunyi ia hanya menyembunyikan kepalanya... dan seluruh anggota badannya yang lain terbuka.

Dahulu hijab adalah pakaian di tiap negeri ... dengan perbezaan budaya setempat tentunya... di

setiap negara wanitanya mengenakan hijab dengan warna-warni yang berbagai... yang penting pakaian itu longgar

dan bukannya sempit seperti yang kita lihat zaman sekarang... alangkah kesalnya...dan tak semestinya pakaian itu berwarna hitam... macam yang tersebar semenjak dua menjak ini.

Tentang niqab pula = ia adalah menutup seluruh wajah... di sesetengah tempat hanya menampakkan dua biji mata saja.


Niqab pada asalnya merupakan dari jati diri agama Islam yang pada zaman dahulu kaum Muslimin adalah umat yang kuat, yang bangga lagi mulia dengan ALLAH Subhanahu wa Taala serta bangga lagi mulia dengan RasulNya Saiyidina Muhammad صلى الله عليه وسلم.

Apabila kaum Muslimin kalah... kita pun kehilangan niqab.

Yang berlaku sekarang ialah niqab sebagai adat... (malang sekali) yang hanya di desa-desa sesetengah negeri orang Islam

tapi kalau di bandar niqab menjadi masalah... dan mencacatkan keindahan agama Islam.

Atas dasar inilah sesetengah negara melancarkan perang dunia terhadap niqab... dan bukan memerangi hijab.



Wajib bagi kita untuk sedar dan memahami perbezaannya... supaya mereka tidak mempermainkan kita.

Sudah banyak yang kita kalah dan rugi... dan kita terus menerus menerima kekalahan dari satu isu ke satu isu ... dari satu prinsip ke satu prinsip.

Lalu mahukah kita sekarang untuk berfikir bagaimana kita boleh menang, bersama dan bersatu...



Akhir Zaman -7

14 Mac 2014

Kebebasan adalah sesuatu yang agung dan indah.
Bebas untuk berpakaian apa saja... untuk
makan apa saja... untuk berkata apa saja

tanpa bergaduh dengan pihak lain... tanpa menyerang
dan tanpa menyakiti orang lain

kamu punya banyak hak asasi... begitulah orang
lain mereka juga punya hak yang banyak itu sepertimu.

Contohnya kenapa kita malu, segan dan takut
untuk mengenakan serban dan pakaian yang longgar.
Tak berapa lama sebelum zaman kita sekarang setiap
lelaki yang pergi menunaikan haji akan pulang ke tanah
airnya dengan memakai serban... sebagai menyatakan
gembiranya dia dengan ibadah haji.

Serban adalah mahkota bangsa Arab... apabila
mereka meninggalkannya... ALLAH pun menghinakan
mereka.

Sekarang orang bercantik-cantik dengan pakaian barat; long pants, baju kemeja, tali leher, bush jacket... tak mengapa, ini bagus

tapi kenapa menghalang dan menghina orang berserban

Semua orang soleh atau kebanyakan mereka apabila mimpi bertemu Junjungan Saiyidina wa Maulana Muhammad صلى الله عليه وسلم mereka lihat Baginda memakai serban dengan warna yang berbagai.

Betul, ada sesetengah orang memakai serban dengan gaya yang main-main... tapi ini juga tidak menghalang pemakaian serban yang indah, bagi pakaian kesultanan dan raja-raja yang mempamer kecantikan, kegemilangan dan cahaya

bukannya gaya yang hina dan dina... gaya pengemis dan menakutkan orang.

Sesungguhnya ALLAH itu Maha Indah dan Dia mencintai keindahan.



Akhir Zaman -8

14 Mac 2014


Kenyataan palsu = haram... menipu = haram...
mencuri = haram
Saya takjub dan saya amat takjub... kalau yang mencuri, atau yang menipu atau yang membuat kenyataan palsu itu adalah orang berpangkat dan berkedudukan... dia takkan dipersoal dan tak perlu menjawab.

Lagi tidak mungkin bagi siapa pun untuk bertanya kepadanya... ini kamu dapat dari mana???

Tapi kalau yang mencuri, atau yang menipu, atau yang membuat kenyataan palsu itu adalah orang agama = ustaz, atau syeikh, atau doktor

satu dunia huru-hara tak sudah dengannya.... Kenapa begitu ????

baik yang pertama atau kedua sama-sama pangkat dan sama-sama kerjaya... kalau yang kedua kita letak di



tempat pertama dan yang pertama di tempat kedua...
isunya tetap sama...!!!

Sekarang semuanya sudah bertukar menjadi
kerjaya... lihatlah apa jadi kalau gaji tersekat sebulan
dua... nescaya tak akan ada orang menjalankan
pekerjaannya di jabatan mana tidak kira dia officer kecil
atau besar... baik jabatan agama atau jabatan dunia.

Lalu tak mahukah kita membuka minda dan hati
serta memahami dengan warasnya tentang budaya
akhir zaman



Akhir Zaman -9

14 Mac 2014

Lelaki menyerupai perempuan... perempuan menyerupai lelaki kadang-kadang sampai kita tak boleh nak beza...

maaf...maksud saya

lelaki pramatang menyerupai perempuan pramatang....

dan perempuan pramatang menyerupai lelaki pramatang

sampai ke tahap kadang-kadang kita tak boleh nak tentukan entah dia ni lelaki ke perempuan...hampir tak boleh nak cam.

Maksud saya apakah tugas asasi orang lelaki???? Dan apakah tugas asasi orang perempuan????

Bukannya nak fanatik atau militan atau bias... tapi kenyataan

Sebagai contoh sekarang para pereka busana di peringkat antarabangsa kesemuanya atau kebanyakannya -konon- adalah golongan khunsa @ pondan...

yang dia itu kalau nak dikata golongan lelaki tidak, golongan perempuan pun tidak

golongan inilah yang diminati di peringkat antarabangsa dan dilabel sebagai pereka fesyen bertaraf dunia

yang kita ni pulak terima telan saja bulat-bulat ... membantah tidak... tak suka pun tidak.

Contoh; sekarang muncul fesyen pakaian anak muda yang sempit di bahagian dada dan perut...

kita lupa bahawa bentuk ini adalah dari sifat dan ciri tubuh manusia khunsa

wala hawla wala quwwata illa billahil 'aliyyil 'azhim.

